

**Veritates Æternæ Ex Prima Hebdomade Asceseos  
Ignatianæ Petitæ**

**Vogel, Matthäus**

**Constantiæ, 1731**

Pars I. Paucitas assequentium finem suum.

---

[urn:nbn:de:hbz:466:1-60667](https://nbn-resolving.de/urn:nbn:de:hbz:466:1-60667)

## Consideratio II.

De Paucitate assequentium Finem suum, nec  
non de mediis hunc assequendi.

**R**ecitatâ Oratione, sicut ante primam Considerationem monui, imaginare tibi ex parte una Regnum Cœleste cum Sanctis, ex altera Infernum cum damnatis; te vero in medio dubium, quo venturius aliquando sis; an cum innumeris ad infernum, an cum paucis ad Cœlum. Roga gratiam agnoscendi paucitatem salvandorum, ut exinde salutari horrore correptus movearis ad amplectenda Salutis media.

## Pars I.

Paucitas assequentium Finem suum.

**D**octrina. Creatus es ad Cœlum: creatus es, ut æternum sis beatus. Eum in Finem homines ad unum omnes creati sunt. Vult Deus omnes homines salvos fieri. Sed an fient salvi omnes? an omnes Finem hunc suum assequentur? an assequeris, an salvaberis tu, qui haec legis? ah horror! salvaberisne Studiose, qui haec legis? an salvaberis? ignoror tanè. Hoc scio, & te, & me, & omnes creatos esse ad Cœlum; an eò perventuri simus, ignoror. Hoc scio, paucos esse, qui Finem obtinent, paucos, qui salvantur; qui vero damnentur, esse

esse innumerōs. Dilatavit Infernus animam suam, & aperuit os suum absque termino. Angusta est via, teste Salvatore, quæ dicit ad vitam, & pauci sunt, qui inveniunt eam: Lata est via ad interitum, & multi ambulant per eam. Quid clarius ac illud: *Multi vocati, pauci electi.* O Pauci! pauci! Fuit Archiepiscopus Lugdunensis, qui post 40. annos in eremo exactos mortuus, successori suo apparuit, dicens, tria hominum millia eodem, quo ipse, momento mortua coram judice DEo comparuisse, ex his verò non nisi homines duos ad Cœlum, tres ad purgatorium esse admissos, cæteros ad Tartara detrusos omnes. O Pauci! O horror! Sub Bertholdi cujusdam concione animo deficiens Mulier, ubi ad se rediit, terrificam hanc habuit ad præsentes allocutionem: Scitote, quot quot adelestis, hac me horâ raptam fuisse ad tribunal tremendi DEI: Sexaginta hominum millia coram eodem comparuerunt. Ex his sexaginta hominum millibus quot salvatos creditis? an partem medium? esset hoc terrible satis. An partem tertiam? ah quis non expaverceret? audite & contremiscite: ex sexaginta hominum millibus ( ah permitte O horror! ) ex tanta hominum copia eheu! Tres -- Tres -- Tres soli & unici purgatorio adjudicati sunt, cæteri ad inferos dejecti omnes. An non toto corpore contremiscis, qui hoc legis? ex sexaginta! Ah terror vocem cohibet & calamum. Studiose mi, an salvaberis tu? an ego?

ego? an erimus inter paucos illos, qui Finem suum assequentur, an inter plurimos perituros? S. Bernardus in Concione quadam ad suos sic loquebatur: *Quis scit, O Fratres mei, an omnium, quos hic video, nomina scripta sint in libro vitæ?* Quis scit, O mi Studiose, an omnium condiscipulorum tuorum nomina scripta sint in libro vitæ? quis scit, an non plures eorum, plures, O utinam non plurimi! damnandi sint? an & tu inter hos? quis scit? esse saltem inter eos potes. Hic me audi: Potésne esse inter plures perituros? potésne Fine tuo excidere? ah potes! potes quia homo es. An etiam excides? hoc ignoro. Unum scio: timuerunt Sancti; timuerunt, qui in rigore summo vixerunt. *V& miser mihi*, ait S. Aug. nescio Finem meum: nescio, utrum amore, an odio dignus sim. *Fremens & pavens mortem expecto: iram judicis timeo, ne pro peccatis meis mittat me in gehennam ignis.* Hæc sanctus loquitur. Quid Studiosi? plerumque sine omni metu, sine cura sunt, quasi Cœlo excidere non possent, aut ac si res ludicra esset damnari. *Sunt impij, ait Scriptura, qui ita securi sunt, quasi justorum facta habeant.* Timent sancti: rident peccatores. Quod vero hoc signum? pessimum. S. Eusebius enim dicit: *Immittit Diabolus securitatem, ut immittat perditionem.* Qui maximè securi vivunt, proximè absunt ab interitu.

*Reflexiones.* I. Si pauci sunt, qui Finem suum assequentur, multi qui pereunt; ergo potes

potes perire & tu; potes & tu damnari. Negare non potes. Ergo timendum est, ne fiat: ergo nunquam sine timore vivendum: ergo abiicenda est securitas maledicta. *Cum timore & tre more operemur salutem.*

II. Non satis est sterilis timor. Viator incedens per præcipitum, bene timet, ne decidat; si vero sponte viam periculosam transeat, quis miserebitur pereuntis? timorem cura comitari debet adhibendi necessaria ad salutem media. Quæ illa? S. Chrys. ait: *Vive cum paucis, si vis salvare cum paucis.* Idem aliis verbis dixit Eremita, de quo ante: Age Pœnitentiam: Corri ge vitam: non est tam facile salvare, ut plerique credunt. *Vive cum paucis.* Cum multis, id est, cum impiis si vivas, morieris etiam cum multis, & peribis. Ergo vivendum est cum paucis, cum piis: horum inspicienda sunt exempla: his adhærendum est, non prævo socio, qui à virtute aut studiis te avocat. Præterea quid Christus? Contendite, ait, *intrare per angustam portam.* Contendite, vires omnes, omnem laborem impendite: *regnum Cœlorum vim patitur: violenti rapiunt illud.* Laborandum est pro Cœlo, & serio laborandum: toleranda adversa & ardua: vis sibi ipsi inferenda. Sic Sancti egerunt. Non illi per commoditates in somno, in cibo & lusu, in libertate, non per rosas ad Cœlum abierunt. S. Ignatius monitus, ut finem faceret, aut moderationem saltem adhiberet rigori terribili, quo corpus suum habebat,

habebat, reposuit: sinite me hæc modica pati, ut negotium animæ in tuto collocem. Quid egere tot Martyres, etiam juvenes? quanta passi? quam dure se metipso habuerunt? scilicet contendere volebant; rapere Cœlum volebant: serium eis erat salvari. Ah lacrymis dignares, videre homines pro terra sollicitos, pro Cœlo pigros! Vocat te socius ad lusum, ad otium, ad cauponam? alacer es: curris: volas: nec frigus curas, nec calorem. Ubi laborandum pro Cœlo est, accedenda forte Sodalitas, schola, Templum, aut ubi studiis vacandum, Quæ desidia! jam frigus, jam calorem, jam nescio quid prætexis; naufragatur oratio: fastiditur Sodalitas: negliguntur studia: fingitur infirmitas &c. Et hæc pro Cœlo! & salvari sic cupis? De cilicio, de jejunio, aut flagellatione quid dicam? velut peregrina jam monstræ ridentur. Non ita sane illi, quibus serium erat salvari. Quæruntur jam à juventute commoditates, voluptates in lusu, cibo, somno, otio &c. At hæcne ad Cœlum via est? hocne est contendere? O Charissime, qui hæc legis, attende: non sic itur ad Cœlum. Cur? vivitur cum multis hac ratione; ergo & cum multis peribitur. Vive cum paucis.

III. Si Cœlum Finis tuus est, à quo aberrare potes cum multis, quid agendum? præcedunt te multi; varia hinc inde occurunt, quæ te à Fine tuo abducere possunt. Quid ages? an illi, multi aut sequendi sunt, aut consulendi?

C

an

an admittenda illa, quæ te abducere possunt? Viator prudens quid agit? si ducem habet viæ peritum, hunc quærit: ad vestigia aberrantium non attendit: non admittit id, quod à via recta potest abducere. Ergo & tu sic age. Dux itineris tui Angelus Custos, Confessarius, Superior tuus, Parentes tui. Hos consule, an viam rectam teneas: horum consiliis obedi: si te à via perversa avocant, eis obtempera. Cave, audias voces sociorum à pietate, studiis, schola &c. te avocantium; à Cœlo te avocant, si hoc agunt. Neque mala aliorum exempla attende, & sequere; sed bona & sancta: nihil admitte, quod à Fine tuo te abducat. Quære ex te sæpius cum S. Aloysio: Quid hoc ad vitam æternam? an socius ille, illa occasio, illa vivendi ratio, mihi proderit ad Finem meum? si conscientia, si DEus dicat, nequaquam prodesse, sed nocere plurimum; sequere vocem conscientiæ, vocem DEI.

*Affectus.* Rex tremendæ Majestatis, timor & tremor venerunt super me, dum veritatem hanc expendi: multi vocati: pauci electi. Ah Domine, nunquid infinita Bonitas tua creavit me, creavit omnes pro Cœlo? & multi adeò pereant? An & ego inter hos multos ero? O timor! O tremor! Studiosos, qui mecum scho-  
las adeunt, salvandos omnes esse non credo: damnabuntur ex eis multi, eheu! multi! egóne etiam inter infelices hos ero, Domine? peri-  
bóne etiam ego? O infinita Bonitas! tantum  
à me

À me infortunium averte ! Ah ne proiicias me  
à facie tua ! Scio , non vis mortem peccatoris ,  
sed salutem : scio , non damnas nisi volentem.  
O Domine , nolo damnari : volo salvare ani-  
mam meam. Ne proiicias me. O infelicem  
me , si æternū à te proiicerer ! & possum ta-  
men , O horror ! possum damnari ! O DEus ,  
non cogitavi de periculo hoc : hinc vixi sine  
meru , vixi cum multis , periissejam cum  
multis , tu nisi me servâsses. Largire , quæso ,  
hanc gratiam , ut vitam novam inchoem.

*Proposita.* Tuâ confisus gratiâ , sequentia  
statuo. 1. Salutarem semper timorem nutriam ,  
cogitans : possum damnari ! possum perire ! 2.  
Vivam cum paucis , ut salver cum paucis. Pauci  
sunt , qui quotidiana pietatis exercitia accurate  
obeant ; pauci , qui sacra Confessionis &  
Eucharistiæ mysteria debito modo suscipiant ;  
qui serio se studiis applicent ; cum his paucis  
vivam ; non cum multis pigris , impiis , inobe-  
dientibus , nec cum his peream. 3. Contendam  
intrare Cœlum , vires omnes eò conferam ;  
ero alacer ad obeunda sacra , audiendam  
Missam , conciones , studia : metu frigoris , ca-  
loris , aut alterius molestiæ non subducam me  
templo vel Sodalitati : assuescam etiam morti-  
ficationi in rebus saltem levibus. v. g. manè  
statâ horâ generose è lecto surgam , preces  
flectens peragam , in templo non garriam , aut  
circumspiciam , manus in oratione reverenter  
jungam , in prandio & cœna ab uno altero  
ve

gratiore bolo abstinebo , modico tempore adhibebo cilicium &c. Et quid tandem modica hæc sunt , si spectem ea , quæ egerunt Sancti pro Cœlo ? Mortificabo me etiam in studiis , dum occurret tædium , dum ab his me avocabunt alii , vincam me , studia non negligam. Verbo , quæm chara mihi salus mea est , tam chara erit mortificatio , quia sine hac eam obtinere nequeo. 4. demum sæpe ex me , ex Angelo Custode , ex Confessario meo quæram , an viam ad Cœlum teneam ? obsequar consiliis eorum , qui me dirigunt , non verò impiorum seduptioni , Quæram etiam ex me illud : quid hoc ad vitam æternam ? & si advertam , nil huc conferre , fugiam illud & detestabor.

*Petitio Gratia.* Hæc , Domine , agam , ut salutem meam in tuto collocem. Confige , quæso , timore tuo carnes meas , ut hoc impulsus , abstineam ab omni eo , quod Cœlum mihi occludere potest , vivamque cum paucis , ne peream cum multis. Recita hic orationem illam : *Anima Christi sanctifica me ! præsertim repe* illa verba : *Nec permittas me separari à te !*

### Pars II.

Media assequendi Finem suum.

**D**octrina. Terruit te , mi studiose , ut spero ; paucitas salvandorum : & non absque causa ; agitur enim salus æterna. Sed unde , in quies ,